

**Razvojna banka Federacije  
Bosne i Hercegovine  
Predsjednica Uprave**

Broj: 0746-III/23  
Sarajevo, 24.01.2023. godine

Na osnovu člana 69. stav (1) tačka b) i člana 68. stav (4) tačka i) Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22), člana 20. Statuta Razvojne banke Federacije Bosne i Hercegovine i Zapisnika Komisije za nabavke o rezultatu pretkvalifikacije kandidata za nabavku usluga Oracle tehničke podrške broj: 0463-XI/23 od 16.01.2023. godine, donosim

**ODLUKU**

**o poništenju postupka javne nabavke usluga Oracle tehničke podrške**

**I**

Poništava se pregovarački postupak javne nabavke usluga Oracle tehničke podrške, s obzirom da dostavljena ponuda ponuđača ORACLE BH d.o.o. Sarajevo nije potpuna i neispunjava sve zahtjeve iz tenderske dokumentacije.

**II**

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici [www.rfbih.ba](http://www.rfbih.ba), istovremeno s upućivanjem iste ponuđaču koji je sudjelovao u ovom postupku.

**III**

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

**OBRAZLOŽENJE**

Odlukom o pokretanju postupka nabavke usluga Oracle tehničke podrške za potrebe Razvojne banke Federacije BiH broj 15033-III/22 od 15.12.2022. godine, pokrenut je postupak nabavke predmetnih usluga za potrebe Razvojne banke Federacije BiH, putem Pregovaračkog postupka javne nabavke bez objave obavještenja o nabavci sa ponuđačem Oracle BH d.o.o. Sarajevo. kriterij za dodjelu ugovora je najniža cijena.

Procijenjena vrijednost nabavke iznosi 14.007,31 KM bez PDV-a.

Informacija o pregovaračkom postupku objavljena je na Portalu javnih nabavki dana 26.12.2022. godine, broj informacije: 1011-4-2-229-20-1//22.

Tenderska dokumentacija/Zahtjev za učešće objavljena je zajedno sa navedenom informacijom. Rok za dostavljanje Zahtjeva za učešće je 13.01.2023. godine do 14:00 sati.

Odlukom Ugovornog organa broj 15034-III/22 od 23.12.2022. godine, imenovana je Komisija za nabavku usluga Oracle tehničke podrške za 2023. godinu, a kojom su definisane njene nadležnosti koje uključuju poslove vezane za pregovaranje o tehničkim, ekonomskim, pravnim i drugim aspektima ugovora, pregled, evaluaciju i ocjenu zahtjeva za učešće i ponuda, u postupku javne nabavke usluga Oracle tehničke podrške Banke putem pregovaračkog postupka bez objave obavještenja o nabavci.

Sljedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o rezultatu pretkvalifikacije za nabavke predmetne usluge, te je utvrdila sljedeće:

- Zahtjev za učešće –pretkvalifikaciju ponuđača ORACLE BH d.o.o. Sarajevo dostavljen je dana 13.01.2023. godine u 13:30 sati,
- U tenderskoj dokumentaciji za nabavku usluga Oracle tehničke podrške pored ostalih kvalifikacionih uslova navedeno je da je kandidat dužan dostaviti Aktualni izvod iz sudskog registra (u original ili ovjerenoj kopiji ne starijoj od tri mjeseca od dana dostavljanja zahtjeva za učešće). Obzirom da je kandidat dostavio izvod iz sudskog registra stariji od tri mjeseca od dana dostavljanja zahtjeva za učešće, nije ispunio uslove navedene u tenderskoj dokumentaciji.

Imajući u vidu sve prethodno navedeno, a u skladu sa članom 69. stav (1) tačka b) i člana 68. stav (4) tačka i) Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22), odlučeno je kao u dispozitivu ove odluke.

**Pouka o pravnom lijeku:** Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



**Predsjednica Uprave**

*Mersiha Slipičević*  
**Doc. dr. sci. Mersiha Slipičević, dipl. oec.**

Dostaviti:

- Učesniku u postupku